

## Kosiōng Sènglī

(Tabít ê sî; kau hō sîpan chíhui.)

- 1 SiōngChú ah, ông ē inūi Lí só sù ê khùilát lâi  
hoa<sup>n</sup>hí,  
koh inūi Lí ê chíngiù, lâi tōatōa khoàilók!
- 2 I ê sim só lài ê, Lí íkeng hō i;  
i ê chhùi só kíkíu ê, Lí m̄ bat kīchoát. [Sèlàh]
- 3 Inūi Lí ēng hongseṅg ê chiokhok gēngchiap i,  
koh ēng sūnkim ê biánliū tī tī i ê thāukhak téng.
- 4 Tùi Lí kiū sè<sup>n</sup>miā, Lí tòh siú<sup>n</sup>sù hō i;  
tòh sī hòesiū kútng, títkau éngoán.
- 5 I inūi Lí ê chíngiù lâi tit tiòh tōa êngkng;  
Lí koh kā chunkù kah uigiām siú<sup>n</sup>sù hō i.
- 6 Lí hō i ū hongseṅg ê chiokhok, títkau éngoán,  
koh hō i tī Lí ê bīnchēng hoa<sup>n</sup>hí khoàilók.
- 7 Inūi ông sìnkhò SiōngChú,  
koh inūi chikōan chiá ê chūài, hō i bē iôtāng.
- 8 Lí ê chhiú ē liáh tiòh lí sōu ê tuiték;  
lí ê chiá<sup>n</sup>chhiú ē liáh tiòh hiahê oàn<sup>n</sup>hūn lí ê lāng.
- 9 Lí siūkhì ê sî, ē hō in chhinchhiū<sup>n</sup> tī iāmjoáh ê  
hóelô tióng.  
SiōngChú ē tī I ê tōa siūkhì tióng kā in thunbiát,  
lōhóe ē kā in siochīn.
- 10 Lí ē tùi tē chiū<sup>n</sup> biátchoát in ê kiá<sup>n</sup>sun;  
tùi lāng ê tióngkan kā in ê āutāi cháubiát.
- 11 Inūi in kèbô beh kahāi lí,

## 歌頌勝利

(大衛 ê 詩; 交 hō 詩班指揮。)

- 1 上主 ah, 王 ē 因為祢所賜 ê 氣力來歡喜,  
koh 因為祢 ê 拯救, 來大大快樂!
- 2 伊 ê 心所意愛 ê, 祢已經 hō伊;  
伊 ê 嘴所祈求 ê, 祢 m̄ bat 拒絕。[Sèlàh]
- 3 因為祢用豐盛 ê 祝福迎接伊,  
koh 用純金 ê 冕旒戴 tī 伊 ê 頭殼頂。
- 4 伊對祢求性命, 祢 tòh 賞賜 hō伊;  
tòh 是歲壽久長, 直到永遠。
- 5 伊因為祢 ê 拯救來得 tiòh 大榮光;  
祢 koh kā 尊貴 kah 威嚴賞賜 hō伊。
- 6 祢 hō伊有豐盛 ê 祝福, 直到永遠,  
koh hō伊 tī 祢 ê 面前歡喜快樂。
- 7 因為王信靠上主,  
koh 因為至 koân 者 ê 慈愛, hō伊 bē 搖動。
- 8 你 ê 手 ē 掠 tiòh 你所有 ê 對敵;  
你 ê 正手 ē 掠 tiòh hiahê 怨恨你 ê 人。
- 9 祢受氣 ê 時, ē hō in 親像 tī 炎熱 ê 火爐中。  
上主 ē tī 祂 ê 大受氣中 kā in 吞滅;  
怒火 ē kā in 燒盡。
- 10 祢 ē tùi 地上滅絕 in ê kiá<sup>n</sup> 孫;  
tùi 人 ê 中間 kā in ê 後代剿滅。
- 11 因為 in 計謀 beh 加害你,

chóng sī, bē sêngkong.

12 Tng Lí khui keng beh siā in ê bīn ê sī,  
in ē oàttngsin tôcháu.

13 SiōngChú ah, goān Lí inūi Lí ê lênglèk siū  
chunchông!

Goán beh gîmsi oló Lí ê tōa koānlêng.

總是，bē 成功。

12 當祢開弓 beh 射 in ê 面 ê 時，  
in ē oàttng 身逃走。

13 上主 ah，願祢因為祢 ê 能力受尊崇！

阮 beh 吟詩 oló 祢 ê 大權能。